

## 申報

甲戌年六月

二 十 一 日

西歷八月三初日即禮拜一

第千九百六十六號

## 勸罷兵說

予觀宇宙之事未有奇於近時日本侵犯中國臺灣之舉者蓋無論古今不分中外斷未有毫無嫌釁之由而遽舉兵深入他人之國者及至深入人國占據其土地殺戮其人民旁觀者均代不平噴有煩言而身犯不韙者猶復厚顏將事冥頑不靈既不言戰又不言和既不奮力而進又不甘心而退誠不解其是何立意也說者曰彼之盤踞臺灣也殆亦欲效羊祜陸抗之故智以小債小惠要結臺灣之人收斂熟生各番之心再有全奪臺灣之地而有之其計亦狡詐之甚也不知其計已左矣牛番之在中國任其自生自滅自治自食既無徵調之煩又無催科之擾復無法令之拘束更無刑罰之凌虐幾安於不識不知之素而忘其帝力於我何有矣豈非身處叢皇以上家寄桃源之內日樂何如哉一旦降伏日本安得仍然如是我知生番雖愚亦斷不至由此下策又況目今日本之殘忍業已親嘗未隸其版圖先已如此若為其臣妾不更可知乎至臺灣之民及熟番之衆與日本爲鄰豈有不知其素行狂悖者而謂日本即能引誘諸人即受籠絡居然甘伏爲其臣民吾亦不啻以奉有此伎倆諸人有此昏昧也夫自古及今外國侵犯中華未見有可以如願以償者志而國者日本向讀中國之書豈有不知中國之事漢唐歷代之事姑無論今以遼金言之遼金與中國勢均力敵者也遼太宗乘中國無主興兵內犯而所得中國之地仍不過石晉所許之燕蓟等十六州耳未能再加尺地也而身反爲犯矣至遼淵之事真宗若任寇準所爲則聖宗成擒矣向幸真宗仁弱始得全師而回完顏內犯宋若任李綱宗澤岳飛等爲之則金人豈有孑遺哉及亮南侵采石僅遇一書生虞允又已令其兵敗身死矣夫遼金之犯中華非其主即其子弟親率傾國之兵向復不能逞志何況今日僅一區區日本哉今令日本自計其土地之廣人民之衆果能與中國勢均力敵否其統兵之將果能如遼金之君與其子弟否其所統之衆果能及遼金傾國之師否至中國今日之事勢君則仁聖矣其運籌帷幄者均皆冠準李綱諸人也其備列戎行者均皆高瓊岳飛諸人也其在營之士卒雖不及背嵬軍之百戰百勝然亦皆久歷戰陣者其費國求榮者又無王欽若秦檜之流也中國如此日本如彼猶復逗遛而不退亦可謂頑鈍無恥矣或又曰日本亦明知其謬矣所以遲遲不退者蓋欲中國少賠其軍費以爲遮羞之計也吁是何言也夫萬國公法必理屈勢窮者方賠償理直勢壯之兵費今果能之理直勢壯乎日本雖悍不能自知試問在華之列國當亦廢然自退矣否則遷延日久中國之衆怒亦難犯也各國之訕笑亦難免也彼時王師攻其外牛番攻其內則在外之兵必敗矣國中之怨民又將報其君之無道國外之與國又將責其國之非理則在內之兵更危矣其不至身弑國亡爲天下之大慘者少矣然則日本之君欲求自安自全之術其將何從惟有即日退師以爲和外安內之計不作擴土開疆之想則庶乎其可也至於賠償兵費之說實屬寡廉鮮恥之謀更爲無聊無賴之計無論中國不從即令能邀允賠日本之說亦當力辭不受庶天下尚能諒其誤聽人言猶知改過不至與執迷不悟者等也不然必至於如法國之甘多亞諫之而不聽英國勸之而不從身爲普俘國爲普滅台天下後世舉以爲輕舉妄動窮兵黷武者戒抑已晚矣